

Otegi: «PPk proposatzen dituen ekimenek neofrankisten desesperazioa islatzen dute»

Erasoak kritikatzetik haratago «hezkuntza sistema propioa» eraiki behar dela dio

A.I.-J.A. / Donostia-Bilbo

Euskal Herritarrok taldearen izenean atzo Arnaldo Otegi Mahai Nazionalako bozeramaileak gogor hitz egin zuen EAEko hezkuntza sistemaren aurkako kritiken kontra, eta batez ere PPren jardunaren kontra. «PPk proposatzen dituen ekimenak neofrankisten desesperazioa islatzen dute». Hitz latzak izan zituen Jaurlaritzako Hezkuntza Sailarentzat ere.

AUTONOMIA ERKIDEGOAN Hezkuntza kudeatzen dihardutenek gizarteari «gezurra» esaten diotela salatu zuen. «Gure hezkuntza propioa defendatu behar dugula esaten dute. Zein hezkuntza sistema? Euskaldunok ez dugu hezkuntza sistema propiorik», salatu zuen, alboan EHko Irakaskuntza ardura-dun Juan Mari Elortza zuela.

Gogora ekarri zuenez, Araban, Bizkaian eta Gipuzkoan eskaintzen den hezkuntzaren %55 baino ez da autonomia erkidegoan bertan ebatzia, gainerakoa Espainiako Hezkuntza Ministerioak erabakitzen du. «Hori da autogobernuak euskaldunoi ematen diguna», azaldu zuen Otegik. «Lotsagarria benetan!».

Oinarrizko gabezia horri



EDURNE KOCH

Arnaldo Otegi, hedabideen aurreko agerraldi batean.

erantzun behar zaiola esan zuen. «Horregatik, hezkuntza sistema euskaldun eta burujabearen alde gaude gu». Hala, Espainiatik ezarri nahi diren eduki berrien aurrean —esaterako, DBH eta Batxilergoa erreformatzeko dekretua— hiru aukera baino ez daudela azaldu zuen: «Foru pasea, intsumisioa eta subiranotasuna». Bide horretan murgiltzeko deia egin zien agintariei eta, oro har, gizarte osoari.

Gizartean, gainera, jarrera horiek oso errotuta daudela esan zuen, eta horrek kezkatzen dituela euskal hezkuntza sistema propioaren kontra ari direnak.

Redondo Terreros, «autokritiko»

PSE-EEko idazkari nagusi Nicolas Redondo Terrerosak afera honen gainean tentuz hitz egin behar dela esan zuen atzo. «Ezinbestekoa eta

beharrezkoa iruditzen zait EAEko hezkuntzari buruz eztabaida sakona egitea. Denok autokritiko izan behar dugu, lortu duguna eta lortu ez duguna, egin diren akatsak eta ondo egin direnak kontuan hartu behar ditugu».

Hala, atzera ere begiratu behar dela esan zuen. «Trantsizioaren hasieran, denok ahalegin handia egin genuen, eta asmo onez egin ere, gure kultur ondarea eta hizkuntza berreskuratzeko», gogoratu zuen. «Baina agian zerbait garrantzitsua ahaztu zitzaigun, bizikidetasun printzipioak hezkuntza mundura eta eskolara eramatea ahaztu zitzaigun. Eta horrek agian askatasunean bizi eta sufritu ez duen belaunaldi zati bat ekarri du», esan zuen,

Horregatik, hausnarketa egiteko unea dela esan zuen. Izan ere, esaterako hizkuntz ereduei dagokienez, hainbat urrats ez direla behar bezala egin azaldu zuen. «Egungo Hezkuntza arduradunek gatzetania —espainola, Unamunok esango lukeen bezala— gaintitu beharreko etsai bezala ikusten dute, eta zenbait euskalduntze egitasmo bide horretatik joan dira», esan zuen agintari sozialistak. Hala, horren gainean eztabaidatu egin behar dela azaldu zuen.

erreakzioak

EILAS •

«Gurasoen hautuaren arabera egokitu da euskalduntze prozesua»

► «Sistema publikoaren euskalduntze prozesua gurasoek egindako hautuaren ondorioa da, haiek erabakitzen baitute zer eredutan matrikulatu euren seme-alabak, eta horren arabera egokitu behar izan da irakasleen prestakuntza. Harrigarria da PSOEK, egungo kurrikulumak ezarri dituenetako bat, deskalifikazioekin bat egitea».

Heziketa Teknikoko Elkarte (HETEL) •

«Hezkuntza Saila benetako ahalegina egiten ari da Lanbide Heziketan»

► «Hezkuntza Saila benetako ahalegina egiten ari da Lanbide Heziketako Euskal Plana garatu eta baliabidez hornitzeko. Espainiako Estatuko erreferentea da, eta Europako Batasuneko aurreratuenetako bat».

Guraso Elkarreak •

«Gurasook sistema hau nahi dugu»

► «Zehaztasunik eza, iraina, desitxuraketa ez dauke gure ikastetxeen baitan, bai ordea egunero entzuten ari garen adierazpenetan. Baina oinarritzakoa ahaztu dute: gurasook sistema hau nahi dugu».

LEIOA
ELIZATEKO UDALA

IRAGARKIA

ALDEKOANEKO BABES OFIZIALEKO 64 ETXEBIZITZAREN SUSTAPENARI DAGOZKION ESKATZAILE ONARTUEN ETA BAZTERTUEN BEHIN BETIKO ZERRENDEN ARGITALPENA

2000ko azaroaren 7an, ondoko iragarki hau argitaratu da BAOn: "Urriaren 30 eguneko 836/00-B.T.-ko aginduren bitartez, Leioako Udalak, Eusko Jaurlaritzaren Lurralde Antolamendu, Etxebizitza eta Ingurugiro Sailak, ETXEBIDE zerbitzuaren bidez, Aldekoane aldean babes ofizialeko 64 etxebizitzaren osatutako behin-betiko zerrendak onartu ditu.

Egintza honen aurka, administrazio bidean behin betikoa baita, **ADMINISTRATIOAREKIKO AUZIBIDE ERREKURTSOA** ahal izango da Euskal Herriko Justizi Auzitegi Nagusiaren **Administrazioarekiko Auzietarako Sail** egokiaren aurrean **BI HILEKO** epearen barruan, B.A.O.-ean iragarki hau argitaratzen den egunetik aurrera zenbatzen hasita.

Aitzitik, nahi izanez gero eta aurreko leterokadaren adierazpenen administrazioarekiko auzibide errekurtsioa jarri baino lehen, **BIRJARPENEZKO ERREKURTSOA** jarri ahal izango da Leioako Udaltzairearen Aldekoane aldean **HILABETEKO** epearen barruan, B.A.O.-ean iragarki hau argitaratzen den egunetik aurrera zenbatzen hasita. Birjarpenezko errekurtsio horri administrazio islasunaz gaitziritzi zaiola urleturko da, baldin eta errekurtsioa jarri eta hilabete igaro ondoren berorri buruzko ebazpenik jakinarazten ez bada Kasu horretan, jakinarazpen honen lehenengo leterokadaren alpetu den administrazioarekiko auzibide errekurtsio hori jartzeko epealdia sei hilekoa izango da, administrazio islasunaren bidezko gaitziritzpena gertatzen den egunaren bihamarunetik aurrera zenbatzen hasita.

Errekurtso araubide honen funts juridikoak Administrazioarekiko Auzibide Jurisdikzioa araubetuan zehar 13ko 29/1998 Legearen 10 eta 46. artikuluetan jasotzen daude, Herri Administrazioaren Araubide Jurisdikzioa eta Administrazioa Prozedura Erkideari buruzko azaroaren 26ko 30/1992 Legea aldarazi duen urtarilaren 13ko 4/1999 legearen 109.c), 116 eta 117. artikuluetan eta 43.2 artikuluan xedaturik dagoenarekin eta Toki-Araubidearen Oinarriak arautzen dituen apirilaren 2ko 7/1985 legearen 52.1 artikuluan apirilaren 2ko 11/1999 legearen idazketan dioenarekin bat etorritik.

Arestion adierazi denaren kalterik gabe, bidezkoztat jotzen den beste edozein errekurtsio ere jarri ahal izango da.

Horrenbestez, indarrean dagoen arautegian ezarritik dagoenarekin bat etorritik, Leioako Udaltzairearen Aldekoane aldean birjarpenezko errekurtsioa aurkezteko epea **2000ko abenduaren 11n amaituko da.**

Leioan, 2000ko azaroaren 8an. ALKATEA

Herri Irratia
RADIO POPULAR

EZKONGAIK 2001

Milioi bat oparitan zure ezkontza egunerako

2001. urtean ezkontzeko asmoa baduzu... **HERRI IRRATI** "EZKONGAIK 2001" saioan parte hartu eta eskuratu ditzakezu. Ezkontzarako soineko eta eraztunak, etxea apaintzeko gauza ugari eta gonbidatu guztientzako cava eta tarta ere. Opari guzti hauek bikote batentzako izango dira. Entzun ezazu **HERRI IRRATI** "EZKONGAIK 2001", astelehenetik ostiralera, eguerdiko hamabiak eta laurdenetan. Opariak eskuratu nahi badituzu... eskutitz bat idatzi edo txartel hau bete eta bidali iezaiguzu.

● **HERRI IRRATIA - DONOSTIA**

Garibai, 19 - 241 Postakutxatilla ... edo ta ...

20004 - DONOSTIA

● **HERRI IRRATIA - LOIOLA**

Loiola Auzoa - 26 Postakutxatilla

30730 - AZPEITIA

Senargia (Izen-deiturak) _____ Tel.zk _____

Helbidea _____ Kodea _____ Herria _____

Andregia (Izen-deiturak) _____ Tel.zk _____

Helbidea _____ Kodea _____ Herria _____

Ezkontza eguna (gutxi gora behera) _____